



## Mjere Skupštine KS u vezi Smiljevića

Osnovni cilj svih aktivnosti koje se preduzimaju na lokalitetu Smiljevići je uspostava savremenog Centra za tretman i iskorištavanje otpada, koji će ispunjavati ekološke standarde propisane važećim propisima, a samim tim će biti eliminisani i svi negativni uticaji na zdravlje stanovništva i okoliš općenito. U tom smislu, potrebno je provesti slijedeće mjere:

1. Vlada Kantona Sarajevo se zadužuje da planira potrebna sredstva u Budžetu Kantona za 2020. i 2021. godinu, kako bi se provele mjere planirane Programom sanacije za period 2016-2020. godina, uključujući uspostavu sistema za prečišćavanje procjednih voda.
2. Obavezuju se Ministarstvo prostornog uređenja, građenja i zaštite okoliša i KJKP "Rad" Sarajevo da izvrše sve neophodne predradnje (odabir tehnologije, prekrivanje dijelova odlagališta, izrada tehničke dokumentacije) za izgradnju i puštanje u pogon prečištača procjednih voda do kraja 2021. godine.
3. Zaduguje se Ministarstvo komunalne privrede i infrastrukture da, u saradnji sa Općinom Novi Grad, u 2020. godini obezbijedi izgradnju kanalizacionog kolektora Smiljevići - Zabrdje, kako bi se tretirale vode do nivoa omogućavanja ispuštanja u sistem kanalizacije, a ne direktno u otvoreni recipient - Lepenički potok, čime će se 42 smanjiti troškovi investicije i održavanja postrojenja za prečišćavanje procjednih voda.
4. Ministarstvo prostornog uređenja, građenja i zaštite okoliša će zahtijevati od Federalnog ministarstva okoliša i turizma da hitno donese pravilnike za posebne vrste otpada, prije svega za građevinski, te za otpadna vozila, otpadna ulja, otpadne baterije i

akumulatore, otpadne gume, otpad koji sadrži azbest, otpad koji sadrži PCB, otpad iz proizvodnje titandioksida. U tom smislu, potrebno je da poslanici iz Kantona Sarajevo u Parlamentu Federacije BiH insistiraju na adekvatnom regulisanju ove materije na nivou F BiH.

5. Ministarstvo komunalne privrede i infrastrukture treba odmah pristupiti izmjenama Zakona o komunalnoj čistoći i pripremi posebnog propisa o upravljanju komunalnim otpadom, shodno Kantonalnom planu upravljanja otpadom ("Službene novine Kantona Sarajevo" broj 29/15).

6. Ministarstvo komunalne privrede i infrastrukture i KJKP "Rad" trebaju, u saradnji sa Ministarstvom prostornog uređenja, građenja i zaštite okoliša, pripremiti Pravilnik o održavanju i bližim uslovima za korištenje deponije Smiljevići i mjerama zaštite sa aspekta zaštite tla, vodotoka i vazduha, a u skladu sa članom 38. Zakona o komunalnoj čistoći Kantona Sarajevo ("Službene novine Kantona Sarajevo" br. 14/16, 43/16, 19/17, 20/18, 22/19).

7. Ministarstvo komunalne privrede i infrastrukture i Ministarstvo prostornog uređenja, građenja i zaštite okoliša će, shodno Kantonalnom planu upravljanja otpadom, obezbijediti Studiju opravdanosti uspostave RCUO kao nove samostalne institucije unutar sistema i time institucionalnog odvajanja prikupljanja/transporta otpada od deponiranja.

8. Ministarstvo prostornog uređenja, građenja i zaštite okoliša će u roku od 30 dana predložiti Vladi Kantona Sarajevo usvajanje Studije opravdanosti izgradnje kogenerativnog postrojenja i postrojenja za mehaničko-biološki tretman otpada na području Kantona Sarajevo, uz zahtjev za konkretno opredjeljenje oko prvorangirane opcije, kako bi se napravio ključni reformski iskorak u postupanju sa komunalnim otpadom i smanjile količine za odlaganje na deponiji Smiljevići.

9. KJKP "Rad" je obavezan preduzeti, uz nadzor Ministarstva komunalne privrede i infrastrukture, sve organizacione i kadrovske mjere kako bi se poboljšao sistem rada i upravljanja RCUO Smiljevići.

10. KJKP "Rad" je obavezan preduzeti, uz nadzor Ministarstva komunalne privrede i infrastrukture, sve organizacione i kadrovske

mjere kako bi se poboljšalo korištenje kapaciteta sortimice i Reciklažnog dvorišta, odnosno povećala reciklaža i smanjile količine za odlaganje.

11. KJKP "Rad" je dužan da ubrza sve procedure na obezbjeđenju nedostajućih vodnih akata i Okolinske dozvole, a Ministarstvo prostornog uređenja, građenja i zaštite okoliša je obavezno da pruži sve vidove pomoći u tom postupku, uključujući operativne, stručne i finansijske.

12. Potrebno je da Ministarstvo privrede Kantona Sarajevo hitno pristupi realizaciji aktivnosti utvrđenih Studijom izvodljivosti uspostave postrojenja za spaljivanje animalnog otpada, koju je osiguralo Ministarstvo prostornog uređenja, građenja i zaštite okoliša i dostavilo 27.09.2019.godine. 13. Ministarstvo komunalne privrede i infrastrukture dužno je da, u saradnji sa Kantonalnom upravom za inspekcijske poslove, obezbijedi razdvajanje animalnog od komunalnog otpada, prema Zakonu o komunalnoj čistoći, te da nabavi vozilo KJKP "Rad"-u za prevoz otpada.

14. Obaveza Ministarstva prostornog uređenja, građenja i zaštite okoliša je da nastavi i ubrza postupak nabavke analizatora koji će biti instalirani u mobilnu stanicu za mjerenje kvaliteta zraka, a koji će mjeriti uticaj deponijskih gasova (amonijaka, merkaptana, sulfida) na lokaciji Smiljevići. Takođe, treba insistirati da Federalno ministarstvo okoliša i turizma ugradi granične vrijednosti ovih polutanata u važeći Pravilnik o načinu vršenja monitoringa kvaliteta zraka i definiranju vrsta zagađujućih materija, graničnih vrijednosti i drugih standarda kvaliteta zraka ("Službene novine Federacije BiH" broj 1/12).

15. Ministarstvo prostornog uređenja, građenja i zaštite okoliša, u saradnji sa Zavodom za javno zdravstvo KS, će uspostaviti monitoring kvaliteta zraka u blizini RCUO Smiljevići, te pokušati obezbijediti sredstva za postavljanje displeja za prenos podataka o izmjerenim vrijednostima.

16. Ministarstvo komunalne privrede i infrastrukture i Ministarstvo prostornog uređenja, građenja i zaštite okoliša će planirati redovno sredstva u saradnji sa općinama za implementaciju Elaborata o lokacijama reciklažnih dvorišta, niša i zelenih otoka na području

Kantona Sarajevo, usvojenih odlukom na sjednici Vlade Kantona održanoj 01.08.2019.godine.

17. Ministarstvo prostornog uređenja, građenja i zaštite okoliša treba da, u saradnji sa Zavodom za izgradnju Kantona Sarajevo, u 2020.godini nastavi aktivnosti na otkupu zemljišta za proširenje deponije inertnog i građevinskog otpada.

18. Zadužuje se Zavod za izgradnju Kantona Sarajevo da što prije predloži Prostornu osnovu za Prostorni plan RCUO Smiljevići i da ubrza Stratešku procjenu uticaja na okoliš koja se provodi paralelno sa izradom Plana. 19. Ministarstvo obrazovanja KS treba da ispita mogućnosti ugovaranja sa naučnoistraživačkim institucijama Sarajevskog univerziteta usluge za različite istraživačke projekte u okviru RCUO Smiljevići.

20. Općina Novi Grad dužna je izdati sve dozvole, prema Zakonu o prostornom uređenju Kantona Sarajevo, za izgradnju jama grobnica iz svoje nadležnosti.

Sarajevo, 19.11.2019 god.

Zastupnica DF-a  
Bibija Kerla